

ESPAINIAKO GOBERNUAREN ARAZOA «HERTSIKERIARI» AMAIERA EMATEN EZ JAKITEA DELA DIO BURU JELTZALEAK

Arzalluzek dioenez, abertzaleak erasoak jasaten ari dira «aurrea hartu» dutelako

■ Xabier Arzalluzek uste du talde abertzaleek «ekimena» eramateak eragin duela azkenaldiko eraso sorta

■ Espainiako Gobernuaren problema bere jokaera «hertsuari» amaiera ematen ez jakitea dela dio

■ Xabier Arzalluzek Juan Jose Ibarretxe lehendakariarekin bildu ostean egin zituen adierazpenak

Luis Karlos García / Gasteiz

JUAN JOSE IBARRETXEK Xabier Arzalluz EBB Euzkadi Buru Batzarreko lehendakaria hartu zuen atzo arratsaldean Gasteizen, politikariek hasi duen elkarrizketa sorta zela eta.

Buruzagiek ordu bat eta erdiko bilera egin zuten, eta Arzalluzek bukatu ondorengo prentsaurrekoan esan bezala, «bake prozesua inor kanpoan utzi gabe aurrera eramateko moduaz» aritu ziren baitik bat. Halaber, «alderdien arteko foroa» defendatu zuen, eta horrela, prozesuaren egoitza parlamentarioa ez izateko hoberena agertu zuen.

Besterik ez zuen azaldu lehendakariarekin hitz egingakoaz, baina berrietsuago agertu zen kazetarien galderi erantzutean. Horrela, EBBko buruak adierazi zuenez, PP eta PSOEtik talde abertzaleei egiten ari diren «kritika nahiz irain bildumaren» zioa ekimena Euskal Herriak hartu izana da.

«Gertatzen dena da ekimena guk geuk daramagula, eta gauzak horrela, ez dakitela zer egin: gizartea prestatu zuten hertsikeriaz jokatzeko eta orain ez dakite hertsikeriari amaiera ematen», deklaratu zuen burukideak.

Ildo horretan, Arzalluzek baztertu zuen lider popularrak botatako erantzuteko bidea urratzea, eta oro har, PPko agintariei «kritika politiko neurtua» ez izatea egotzi zien, eta aldiz, «hautsak harrotzeko nahi soila» dutela esan zuen.

Agintari jeltzaleak argudiatu zuen EAJk «sinistu» egiten duela gaur egun abian den prozesuan, eta horregatik, eutsi egiten diola aurpegiaritzen zaion guztiari. «Sendotasuna badaukazu, prestatu zaude ekaitza eta haize guztioi eusteko. Hori dela eta, Enrique Villarrek esandako-



Juan Jose Ibarretxe lehendakaria eta Xabier Arzalluz, atzo izandako bileraren une batean.

ak huskeria batzuk dira guretzat, besterik ez», erantsi zuen.

Burukideak hitzei baino gehiago «ekintzei» begiratzeko eskatu zuen, eta atentaturik emandako «tarte luzea» gogoratzeaz bat, datu sozio-ekonomikoak aztertze deitu zuen «Euskadi oso ondo» doala ondorioztatze: «Bistakoa da herri hau primeran doala,

eta horregatik, debatea beste norabait eraman nahi dute».

EAJ, PPren «edozein akordiotatik at»

Hori bai, PPko politikarien adierazpenei erreparatuta, onartu egin zuen «nekez» esan daitekeela Madrilen popularraren eta EAJren arteko akordioa dagoenik: «Goar-

dia Zibila gainera bota behar zaion jendea baldin bagara, edozein akordiotatik bidali gaituztela pentsa daiteke...». Arzalluzek esan zuen EAJk «baldintzapeko ituna» duela Madrilen, baina nolahi ere dena geldirik edo «izozturik» dagoela aitortu zuen PPk politika autonomikoan ezer mugitu nahi ez duela aintzat izanik.

«Bilakaera» alderdien jarreran

■ XABIER ARZALLUZ EK baietz erantzun zuen alderdi politikoen jarreraren azkenaldion «bilakaerarik» ikusi ote duen galdetu zitzaionean. Halere, argitasun horretatik aurrera «kriptiko» samarra aritu zen jokabideak adierazteko. Izenik emateko asmorik ez zuela zehaztu zuen lehenengo eta behin, baina gero gogoko ez duen ohitura aipatu zuen: «Musean ari dira politikagintzan, ba-

tez ere Madrilen, baina baita hementxe ere, mahai-gaineko hordagoak botaka, baina kartak azpitik erabiltu. Nik esango nuke zer karta mota eskaintzen zaizkidan azpitik, baina hori ez dago batzuen kultura politikoan, nahiz eta goian esaten dutena jan behar den...». EBBko buruak ez du ulertzen politikagintza egiteko era hori, eta «tamalez», zuzentzerik ere ez daukala dio.

Aznarren erreakzioa, «klitxe hutsa»

■ BARREAK entzun ziren Lehendakariaren prentsa aretoan Xabier Arzalluzek erantzutean Jose Maria Aznar Espainiako presidenteari herenegun sinatutako itunaz botatako. Espainiako Gobernuaren erreakzioa «klitxe hutsa» izan dela aipatu zuen, baina komentarioa egin aurretik, ironiaz mintzatu zen lehendakari espainolaren bidaien kontura, «beti gertatzen baita

EA: «Itzela da Aznarrek nahiago izatea terrorismoa gehiago nazionalista baino»

Iñaki Uriarte / Bilbo

CARLOS GARAÍKOETXE-AK PP eta Espainiako Gobernuaren diskurtso falta agertzarazi zuen Eusko Alkartasunak Bilbon egin zuen ekitaldi politikoan. «Ez dute beste diskurtsorik nazionalismoa eta biolentziarekiko ustezko kideztza akuilatzea baino», esan zuen. Horren adibiderik garbiena Mayor Orejaren hitzak zein Aznarrek Moskun esandakoak direla nabarmendu zuen EAKo presidentek.

Jose Maria Aznarrek esatean «terrorismoa fronte nazionalistak ordezkatzea txarra» dela esatean, Carlos Garaikoetxearen ustez hor beste gauza bat irakurri behar da: «hauteskundeetatik demokratikoki irteerako gehiago abertzalea txarra dela» alegia. EAKo burukidearen esanetan onartezina da Jose Maria Aznarrek esatea «nahiago duela terrorismoa gehiago nazionalista baino».

zerbait atzerrira alde egitean duenean». Gogora ekarri zuen Aznarren «zorte txarra», ETak su-etena aldarrikatu zuenean kanpoan harrapatu eta asteon berdin gertatu baita lege-gintzaldi itunaren izenpe-tzea zela. Bestetik, presidente espainolak Moskun izandako «komerikak» hizpi-de izan zituen, «telefonoz hitz egiteko Moncloatik berdin-bedin egin zezake- en-eta».